

AESS - REGIONE LOMBARDIA
Documento numero 453

[☺ al mé murús al sta da là dal Sère
ma l'è picinì ma 'l ga le gambe bèle
l'è picinì ma 'l g'à le alte us
el püssé bèl dal mund l'è 'l mè murús
tialalalalla lalalalalla lalalalalla lalalalà

al mè murús l'è bèl e pó l'è bèl
al g'à du risulì sota 'l capèl
al g'à du risulì d'una caviada
se lü l'è bèl e mé só inemurada
tialalalalla...

e mé stanòt g'ò fat d'un sogno matto
sugnai ch'el mé murús al me stringeva 'l braccio
e mè g'ò fai per daga d'un basìn
mé g'ò basà la fódra dal cusìn
tialalalalla...]

al mé murús al m'à mandà una riga
al m'à mandat a dì che mé só nigra
e mé g'ò riscuntrà d'una rigassa
se mé só nigra lü l'è da la rassa
tialalalalla...

[☺ al mé murús l'è bèl sultant la fèsta
an dèn laùra al par una scarpa 'nvèrsa
e la scarpa la s'è riultada
in bras al mé amor su indurmentada
tialalalalla...

amore amore amore amor pulénta
g'ò fai rüstì 'na rana per merenda
se l'éra né rüstida né salada
l'ó messa nel piatìn la m'è scapada
tialalalalla...

al mé murús g'angüre 'na fürtüna
g'angüre ot bagai ant üna cüna
g'angüre ot bagai e una ragassa
g'angüre pò la só dóna mata

tialalalalla...

al mé murús al m'à mandà una lètera
al m'à mandat a dì che mé só puarèta
e mé g'ò riscuntrà le sò richèsse
lù 'l pòrta la giachèta a punc e pèsse
tialalalalla...

al mé murús al m'à mandà una nus
el m'à mandat a dì che lù l'è spus
e mé g'ò riscuntrà d'una nisola
se lù l'è spus e mé g'ó già una fióla
tialalalalla...

al me murús g'angüre 'na merénda
g'angüre 'n curteli sóta la léngua
quel curteli ch'el sìes ben molato
questa l'è la merénda che t'ò 'ngurato
tialalalalla...

la mé murúsa la g'à nóm Carlòta
la s'à strübiada 'l cül con d'una lòta
e lé la lòta la s'à sfreguiada
al cül da la mè murúsa 'l trumbetava
tialalalalla...]